

ÎLE-À-LA-CROSSE L'IKOL MAMOUWIYAWUK WIYASHWAWCHIKAYWIN

WEESTAMAKAYWIN OUSCHI KAKWAYCHIKAYMOOWIN POOR KAYSCHINAHOUWIN PI PAKITINIKAWTAYNANIWAN NAGRIMAWN.

Keeshpin kiya keema payyek toon famee li mambur kay-itouhtayw Île-à-la-Crosse itaykawweekihk/Daw Misyoon L'ikol, madoon amistaw ooma weestamakaywin payahatik akouz muwnayshkam tee drway.

To read this notice in English, please click [here](#) online or you can send an email to info@ILEXSettlement.ca or call 1-833-700-7458.

Pour lire cet avis en français, veuillez cliquer [ici](#) en ligne ou vous pouvez envoyer un courriel à info@ILEXSettlement.ca ou appeler 1-833-700-7458.

kahayamihtâyan ôma wihtamâkewin nehiyawewinihk, mahti mâkona [ôta](#) mahtâwinohk ahpô kâkîhitisahamowâw mahtâwinohk info@ILEXSettlement.ca ahpô sewîpita 1-833-700-7458.

Ku Denesûłıne yatı ʔa bek'eyawustı nıdhęn de ʔeja [Bek'ıjı](#) tsatsane benı hułı k'e huto email info@ILEXSettlement.ca huto ʔeja ts'ęn dıłtsı 1-833-700-7458.

Aykwawnima ooma kaw-itayhtakwahk mamouwiyawuk wiyashwawchikaywin pour wiyawow aspinay lee zhawn'd ikol ouschi Île-à-la-Crosse L'ikol pi see famee. Ooma wiyashwawchikaywin itwaywawn aykwawnima ooki Li Gouvarnimaw di Kenadaw pi Saskatchewan aykwawniki kischee rispoonsabl poor mawytoutawkouwina aykwawnima lee zhawn'd ikol pi see famee li mambur kakwawtakishtaw akouz kaw-itouhtaychik Île-à-la-Crosse L'ikol.

Ihtakwan akwa pakitinikawtaynaniwan lee nagrimawn didawn ooma wiyashwawchikaywin, avek tou lee deu Kenadaw pi Saskatchewan. Oohin kaw-pakitinikawtaynaniwan avek:

- tipahamakaniwan en payimawn ishi kaw-kashkihtamawshoowak Ishkounikanak (keema kawtipayhtahk keema sa famee) poor nanatouhkooskawniskweewin mawytoutawkouwina pi kichimahwaywina;
- tipahamakaniwan en payimawn ishi kaw-kashkihtamawshoowak Ishkounikanak (keema kawtipayhtahk keema sa famee) poor siirieu kichimahwaywin pi ahkwatishiwin kichimahwaywin kaw-shasheepishik itay daw L'ikol; pi
- kaw-maenkihk aen tawd d'arzhawn chi-shaytoushkam kakeekayhk pi kishkishouwin nakatoohkataywina poor Ishkounikanak, see famee, pi li alawntour.

Tou lee deu kaw-pakitinikawtaynaniwan aykwawnihi mouhchi itayistamouwina keeshpin pikou li zheuzh keemiyayhtem aykwawnihi. Ishpee Li **mwaw'd Mawr 30-31, 2026**, la Kor'd Oushouhkatishiwin Li rway'd Omiyikoushiwin ouschi Saskatchewan chi-michiminaem kakwaychikaymoowin didawn Saskatoon itay li zheuzh chi-itayimow keeshpin mawhti keemiyayhtem payyek keema tou lee deu kaw-pakitinikawtaynaniwan.

Chi-kishkayistamin ayiwawk, amistaw ooma weestamakaywin keema kaykwuy ooma achimoushtawkaywin daw li computer: <http://ilexsettlement.ca/>. Kaw-kee-meena

shaywaypichikawn keema ichaha mashinahikan ishi mamouwiyawuk wiyashwawchikaywin li wakaw kaw-awpachistahk kawshchitinkaywin weehstamakaywin daw pawzee li paez ouschi ooma weestamakaywin.

Ihtakwan meena en ptsi mayshkoopichikaywin ouschi ooma weestamakaywin aykwawnima si vif chi-amistawyin. Kaw-kee-wawpastaen daw li computer [oota](mailto:info@ILEXSettlement.ca) keema kaw-kee-ichahean la email info@ILEXSettlement.ca keema taypwayhkun 1-833-700-7458 chi-outistikouyin tawpimashnahikaywin.

KAYKWY OOMA WEESTAMAKAYWIN ASHTAYWAWN

1. Kaykwy anima mamouwiyawuk wiyashwawchikaywin?
2. Kaykwy anima wiyashwawchikaywin ouschi?
3. Awina kaykinikawshow didawn ooma Wiyashwawchikaywin?
4. kaykwy ashtayw didawn kaw-itayhtakwahk pakitinikawtaynaniwan avek Kenadaw?
5. Kaykwy anima didawn kaw-itayhtakwahk pakitinikawtaynaniwan avek Saskatchewan?
6. Tawnsheeshi chi-outistikouyawn en payimawn keeshpin payyek keema tou lee deu ouschi pakitinikawtaynaniwan miyayhtem?
7. Tawnsheeshi li koor tipahikipayihawina atoushkaymakaniwawn?
8. Kaykwy akwa keestwawm ishpayin?
9. Kaykwy anihni me drway pi nawashoonikaywina?
10. Keeshpin mawka namou nouhtay takoowawn daw mamouwiyawuk wiyashwawchikaywin?
11. Tawnsheeshi ayiwawk weehstamakaywin niki outistikoun?

1. KAYKWY ANIMA MAMOUWIYAWUK WIYASHWAWCHIKAYWIN?

Mamouwiyawuk wiyashwawchikaywin si aykwawnima itouwahk wiyashwawchikaywin itay en ptsi bawnd di moond sheehkichahikaywak pour lawrz enbawnd wiyawow li moond kaw-ayawchik payyekwan si la lway natoutamouwawn, ashpeeshchi itahto en parson sheehkichahikaywak wiyawow. Mamouwiyawuk wiyashwawchikaywina chikee wayschipayin poor en bawnd di moond chi-kawschitina en payimawn poor mawyitoutawkouwina keema kichimahwaywina kaw-itoutahkik pakwatem wiyawow mamouwiyahk, akouz wiya ikou kaw-sheehkichahikayhk chikee ayiman akouz maenshtinikaywina, kakwawtakishtawin, keema kootak muwnayshkawaywina.

Lawrz enbawnd en bawnd di moond shinihkawtayw “Mamouwiyawuk”. Keeshpin kiya kinakishkaen li diskripsyoon ouschi ooma Mamouwiyawuk, shayhki kaykinikawshoun daw mamouwiyawuk wiyashwawchikaywin keeshpin pikou kaw-itayistamin “ashaynikaywin” (kiko itwaymakan nou dawayhtamouwin).

En ptsi en bawnd di moond, kaw-nawtamakayw ooma Mamouwiyawuk si la lway akawawawchikaywina, shinihkawshouwak atawmimaywak.

2. KAYKWY ANIMA WIYASHWAWCHIKAYWIN OUSCHI?

Ooma Île-à-la-Crosse Itaykawweekihk L'ikol (ashkaw shinihkawtayw Île-à-la-Crosse Daw Misyoon L'ikol, Île-à-la-Crosse itay kawweekihk l'ikol, keema pikou ooma “Île-à-la-Crosse L'ikol”) paminamouwawn nandaw ishpee 1860 ishkouhk 1975-76. Aykwawnima payyek ouschi neekawn itaykawweekihk l'ikol didawn Kenadaw kaw-oushtahk poor kishkinwahamakaywin ouschi Indigene lee zawnfawn. Ooki lee zhawn'd ikol mawna en Michif, avek meena Li Promyee Nawsyoon lee zawnfawn ouschi daw Li Nor Saskatchewan.

Ooma kaw-itayhtakwahk mamouwiyawuk wiyashwawchikaywin shinihkawtayw *Gardiner v Li Promyee Okimaw di Kenadaw pi en Pro vayns di Saskatchewan* (Li koor Dokumawn Noombr KBG 936 of 2025). Kee-ihktawan kootak kaw-itayhtakwahk mamouwiyawuk wiyashwawchikaywin ouschi Île-à-la-Crosse L'ikol (*Aubichon v Li Promyee Okimaw di Kenadaw pi en Pro vayns di Saskatchewan*), mawka oohin deu wiyashwawchikaywina anoush akwa takwashtawn pi payyek pikou wiyashwawchikaywin kaw-ati-neekawnouhtayhtakwahk.

Ooki atawmimaywak didawn ooma wiyashwawchikaywin aykwawniki sis Ishkounikanak pi Awn partawn li moud Ishkounikanak. Kawhkoutouwak aykwawnima ooki Li Gouvarnimaw di Kenadaw pi Saskatchewan weechihiwayw ishi aen tawd d'arzhawn, pishishkayischikaywin, paminamouwin, pi tipayistamouwin ouschi Île-à-la-Crosse L'ikol. Kawhkoutouwak aykwawnima Kenadaw pi Saskatchewan pikounam sa atoushkaywina chi-kenawayimawt poor lee zhawn'd ikol aykwawniki kay-itouhtaywak L'ikol, pi pwatowschikayw mitouni kaw-kenawayimimouwin ouschi mawytoutawkouwin, pi aykwawnima ouschi Li Gouvarnimaw chikee tipahikayt en payimawn isi Ishkounikanak. Oohin peekshkwaystamoowina namou kee-provee daw li kor.

Tou lee deu Kenadaw pi Saskatchewan kee-kishchayistam aykwawnima Ishkounikanak ouschi Île-à-la-Crosse L'ikol kee-kwatakistowak ouschi mawytoutawkouwina.

3. AWINA KAYKINIKAWSHOW DIDAWN OOMA WIYASHWAWCHIKAYWIN?

Ihtakwan deu en bawnd di moond, keema "Mamouwiyawuk", di moond kaw-takoowak didawn ooma wiyashwawchikaywin:

**Ishkounikan
Mamouwiyawuk**

Itahtow en parson kaw-pimawtishow ishpee Li mwawn'd Disawnbr 9, 2003, pi kay-itouhtayw ishi en zhawn'd ikol keema poor kishkinwahamakaywina itay Île-à-la-Crosse L'ikol maykwawt ooma mamouwiyawuk ishpee, avek kawtipayhtahk, sa famee, nishouhkamakayw, paminikaywak, wiya-ikouhk sa neepawistamakaywa pi/keema kenawayishchikaywa. Ooma avek la zhournee lee zhawn'd ikol/"la zhournee kishkinwahamakanak".

**La famee
Mamouwiyawuk**

Kahkiyaw li moond aykwawniki en nasasyee, en parawn, en zawnfawn, oushishimak, keema wawkoumawkan ouschi Ishkounikan Mamouwiyawuk Li mambr.

Ooma wiyashwawchikaywin si aykwawnima ashtamayikouhk ouschi kaykwy kaw-kee-ishpayik ishi, keema akouz ouschi, Île-à-la-Crosse L'ikol pi itaykawweekihk aykwawnima kee-kipahikawtayw nandaw 1975-76. Ooma Oblates di Mary Immaculate pi Grey Nuns (ouschi En Katalik L'igleez) were kaw-takoowak avek paminamouwawn ouschi ooma L'ikol pi itaykawweekihk.

Ooma wiyashwawchikaywin namou avek kaykwy aykwawnima kaw-ishpayik itay Rossignol L'ikol aykwawnima kaw-paminamouwawn ouschi Île-à-la-Crosse L'ikol En Bawnd. Ooma Rossignol L'ikol kee-mawchistawn ishpee 1975-76 namou avek en pawr En Katalik L'igleez pi namou ouhkawt ayowak itaykawweekihk.

4. KAYKWY ASHTAYW DIDAWN KAW-ITAYHTAKWAHK PAKITINIKAWTAYNANIWAN AVEK KENADAW?

Kenadaw kee-tipayimow chitipahikayw \$27.335 milyoon poor "Kishkayistamoowin li Payimawn", chi-nishtawina aykwawnima Ishkounikanak kahkiyaw kakwawtakishtawak mayitoutawkaywina kaw-itouhtaychik ouschi L'ikol. Itahtow Ishkounikan chi-outistikow Kishkayistamoowin li Payimawn ouschi iyikouhk:

- ishkouhk \$10,000 poor Ishkounikan kay-itouhtayw L'ikol poor awn baw saenk l'ikol l'anee; keema
- ishkouhk \$15,000 poor Ishkounikan kay-itouhtayw L'ikol poor saenk keema ayiwawk l'ikol l'anee.

Ooma avek awtist l'ikol l'anee, kiyawm iyikouhk apsheesh aykwawnima.

Poor Ishkounikanak kaw-pimawtishow ishpee Li mwawn'd Disawnbr 9, 2003, mawka kee-nipow akwa, en payimawn ichisahikawtayw ishi kawtipayhtahk (chi-paminikawtayw ouschi kawtipayhtahk nishouhkamakayw(ak), paminikay(wak), etc.). Keeshpin Ishkounikan kee-nipow namou avek testimawn, pi namou ihtakow kawtipayhtahk paminikayw kaw-nawashounihk, ooma en payimawn ishpaiwawn ishi Ishkounikan kaw-pimachisouwak sa famee, tapishkoot sa nasasyee, keema see zawnfawn keeshpin namou ayawaywak nasasyee ishpee kaw-nipichik, keeshpin sa famee chikee kayschinahwayw.

Keeshpin \$27.335 milyoon namou iyikouhk chitipahikayw ishi kahkiyaw Kishkayistamoowin li Payimawn, itahtow Kishkayistamoowin li Payimawn chikee awchiwinikawtayw aykwy-ikouhk, itwaymakan aykwawnima kahkiyaw awiyak sa payimawn ouschi awchiwinikawtayw aykwy-ikouhk. Onahikawshoow kee-itayistam aykwawnima nandaw iyikouhk 2,060 Ishkounikanak kaw-pimawtishow ishpee Li mwawn'd Disawnbr 9, 2003, aykwawnima ouschi namou chi-ihtakwan awchiwinikawtayw didawn Kishkayistamoowin li Payimawn.

Keeshpin ishkoupaiwawn l'arzhawn apray kahkiyaw Kishkayistamoowin li Payimawn tipahikawtaywa, ishkoupaiwawn ouschi awa \$27.335 milyoon chi-ichahwaw ishi Nakatamakaywin aen Tawd d'arzhawn.

Ooma Nakatamakaywin aen Tawd d'arzhawn si aykwawnima iyikouhk l'arzhawn aykwawna chi-awpachihaw chi-tipaha "Nakatamakaywin Nakatoohkataywina" poor ouhtishouwina ouschi Ishkounikanak, see famee pi li alawntour. Nakatamakaywin Nakatoohkataywina aykwawnihi nakatoohkataywina kaw- awnkourazhee kakeekayhk, miywayawin, weechiwawhkoostouwin, kishkinwahamakaywin, kishkishouwin, pi/keema Indigene la lawngaezh (en Michif, avek meena awn Cree pi Ochipwayanimiwin) mawachistawin.

Kenadaw chi-tipahikayw \$10 milyoon ishi Nakatamakaywin aen Tawd d'arzhawn , meena pikou iyikouhk l'arzhawn ishkoupaiwawn ouschi Kishkayistamoowin li Payimawn d'arzhawn. Ooma Nakatamakaywin aen Tawd d'arzhawn chi-tipayistamouwawn pi paminamouwawn ouschi Ishkounikanak, shawpou namou-poor-profitab li koonpayeen, avek fayr, klair paminikaywin poor aen tawd d'arzhawn Nakatamakaywin Nakatoohkataywina.

Ooma pakitinikawtaynaniwan avek Kenadaw meena avek:

- ishkouhk \$5 milyoon poor tipahikaywina ouschi pakitinikawtaynaniwan paminamoowin (ooma avek kaykwaya tapishkot paminamouwain natoutamouwawn li aplikasyoon, kaw-nashkoumouhk li moond see kesyoon, akistamiwawn tawmuy ikouhk en payimawn, pi ichahamiwawn l'arzhawn)
- pi \$5 milyoon poor aen tawd d'arzhawn poor pikou iyikouhk ahkamay li lway atoushkaywin pakwatem Saskatchewan (ashpayimouwawn keeshpin ooma pakitinikawtaynaniwan avek Saskatchewan si aykwawnima pakitinikawtaynaniwa ouschi awa li zheuzh pi wiyashwawchikaywin poonistawn).

Kaw-kee-amistawn kahkiyaw tawpimashnahikaywin ouschi Pakitinikawtaynaniwan Awn nagrimawn avek Kenadaw daw li computer [oota](mailto:oota@ILEXSettlement.ca), kaw-kee-ichahean la email info@ILEXSettlement.ca keema taypwayhkun 1-833-700-7458 chi-outistikouyin tawpimashnahikaywin.

5. KAYKWY ANIMA DIDAWN KAW-ITAYHTAKWAHK PAKITINIKAWTAYNANIWAN AVEK SASKATCHEWAN?

Saskatchewan kee-tipayimow chitipahikayw \$40.2 milyoon chi-settee wiyashwawchikaywin pakwatem aykwawnima. Ooma pakitinikawtaynaniwan l'arzhawn ouschi Saskatchewan si aykwawnima kaw-itayimouhk chi-natakouhkawtayk kaw-pimitishahikawyk "kaet pawshkwahikayhka" ouschi Mamouwiyawuk Li mambr kaw-natoutamouwawn: rawr kishkayistamoowin; paykounouhk kichimahiwaywin; nakatamakaywin kakeekayhk, miywayawin, kishkinwahamakaywin, la lawngaezh, kee-ishopimawchihounawniwun pi kishkishouwin; pi li koor tipahikipayhtawina pi pakitinikawtaynaniwan paminamoowin tipahikaywina. Ooki atawmimaywak itayhtamwak aykwawnima awa \$40.2 milyoon chi-pahkwaynaw kaw-ishi pimitashahikawtayk:

- neekawn, chitipahikayw en payimawn ishi lee zhawn'd ikol aykwawniki kakwawtakishtaw siirieu kichimahiwaywin keema ahkwatishiwin kichimahiwaywin itay Île-à-la-Crosse L'ikol;
- keestwawm, keestwawm mooshkinastowin Kishkayistamoowin li Payimawn poor itay kawweekihk lee zhawn'd ikol/Ishkounikanak kaw-kapeeshichik itaykawweekihk pikou; pi
- chitipahikayw li koor tipahikipayhtawina and pakitinikawtaynaniwan paminamoowin tipahikaywina.

Ooma en payimawn poor siirieu kichimahiwaywin keema ahkwatishiwin kichimahiwaywin itwaywina chi-tipahikawtayw ishi kaet jeufarawns la level, ikoyikouhk ouschi \$50,000 ishkouhk \$235,000, ashpayimouwawn ouschi iyikouhk kaw-kakwawtakihthak, pi iyikouhk kaw-kakwawtakihthak ouschi kaw-kee-itouhtaychik. Tapishkoot pakitinikawtaynaniwan avek Kenadaw, en payimawn poor Ishkounikanak kaw-nipowak apray Li mwawn'd Disawnbr 9, 2003, ichisahikawtayw ishi Ishkounikan kawtipayhtak keema sa famee, keeshpin kee-kayschinahiwayw natoutamouwawn.

Tawmuykouhk ouschi Kishkayistamoowin li Payimawn mooshkinastowin will chi-ashpayimouwawn tawmuykouhk tipahikaniwawn didawn siirieu kichimahiwaywin keema ahkwatishiwin kichimahiwaywin itwaywina. Ooma mooshkinastowin payimawn aykwawnima poor itay kawweekihk lee zhawn'd ikol (keema kawtipayhtak keema sa famee) chi-nishtawina ayiwawk mawytoutawkouwina kaw-shasheepishihk itay Île-à-la-Crosse L'ikol itaykawweekihk, pi chi-tipahikawtayw aykwy-ikouhk ouschiyawin en noombr iyikouhk l'anee itahtow en zhawn'd ikol kay-itouhtayw L'ikol.

Itayimiwawn aykwawnima \$1 milyoon ouschi pakitinikawtaynaniwan d'arzhawn chinitawayistakwan poor tipahikaywina ouschi paminamouwain ooma pakitinikawtaynaniwan, diseu paminamoowin ouschi pakitinikawtaynaniwan avek Kenadaw. Keeshpin ooma pakitinikawtaynaniwan avek Saskatchewan si aykwawnima miyayhtem mawka pakitinikawtaynaniwan avek Kenadaw namou pakitinikawtaynaniwan, ooma paminamoowin tipahikaywina nawat mishtahi.

Kaw-kee-amistawn kahkiyaw tawpimashnahikaywin ouschi Pakitinikawtaynaniwan Awn nagrimawn avek Saskatchewan daw li computer oota kaw-kee-ichahean la email info@ILEXSettlement.ca keema taypwayhkun 1-833-700-7458 chi-outistikouyin tawpimashnahikaywin.

6. TAWNSHEESI CHI-OUTISTIKOUYAWN EN PAYIMAWN KEESHPIN PAYYEK KEEMA TOU LEE DEU OUSCHI PAKITINIKAWTAYNANIWAN MIYAYHTEM?

Si aenportaan chi-kishkishihk aykwawnima li zheuzh pikou keemiyayhtem payyek keema tou lee deu ouschi kaw-pakitinikawtaynaniwan awawn pikou iyikouhk en payimawn kaw-weestamawinawn didawn ooma weestamakaywin ihtakwan. Namou kaw-natoutamouwawn paminikaywin kee-mawchistawn chayskwa.

Si aenportaan meena chi-kishkishihk aykwawnima kaw-pakitinikawtaynaniwan aykwawnihi pahkawn pi namou ashpayimotatouwawn. Awa li zheuzh chikee miyayhtem namakaykwy, payyek, keema tou lee deu.

Keeshpin awa li zheuzh keemiyayhtem payyek keema tou lee deu kaw-pakitinikawtaynaniwan, li moond chikee outistikouchik en payimawn (Ishkounikanak, kawtipayhtahk neepawistamakaywa, keema see famee) chi-ichahamwak natoutamouwawn mashinahikan. Chi-ihakwan pounistowin ishi natoutamouwawn poor Kishkayistamoowin li Payimawn, pi pounistowin ishi natoutamouwawn poor kichimahwaywin en payimawn.

Ooma natoutamouwawn mashinahikan namou chayskwa ihtakwan, mawka chi-weeschasin pi namou ayimen iyikouhk si possib. Awa li wakaw poor tou lee deu ayitawayihk pi Kaw-natoutamouwawn Paminikayw (li kompayeen aykwawna kaw-wawpasta li aplikasyon) kahkiyaw nishtawinamwak siirieu li dawnzhee ouschi mawytoutawkouwin aykwawnima lee zhawn'd ikol kaw-shasheepishihk itay Île-à-la-Crosse L'ikol. Keeshpin payyek keema tou lee deu kaw-pakitinikawtaynaniwan ouschi awa li zheuzh, chi-pimoustatawniwan ishi aykwawnima kaw-rispay Ishkounikanak sa kakwawtakishtawin pi achiwinam kakwawtakistowina ouschi ichahamouwin natoutamouwawn. Chi-ihakwan si la lway pi kakwawtakayistumouwin shaytoushkamouwina ihtakwan shawpou kaw-natoutamouwawn paminikaywin.

Poor ayiwawk weehstamakaywin ouschi tawnsheeshi kaw-natoutamouwawn paminikaywin chi-atoushchikawtaywa, kaw-kee-amistawn ooma Pakitinikawtaynaniwan Lee nagrimawn daw li computer [oota](#).

7. PIKOU CHIN CHITIPAHIKAYAWN LI KOOR TIPAHIKIPAYIHTAWINA?

Ishkounikan Mamouwiyawuk Li mambr pi La famee Mamouwiyawuk Li mambr namou katawt wiya chitipahikayw pikou iyikouhk li koor tipahikipayihtawina. Ooma kaw-natoutamouwawn paminikaywin si aykwawnima oushtawniwun akousheeshi namou katawt li wakaw chitakoochik.

Awa atawmimaywak sa wakaw kee-atoushkayw poor awchiwinikawtayw tipahikipayihtawina, keema namou tipahikipayihtawina, poor l'anee ashpinæ ooma wiyashwawchikaywin kee-mawchistawn, ouschiyawin awn nagrimawn aykwawnima chi-outistikouwak "ashwayistamouwin tipahikipayihtawin", itwaywin en parsawn ouschi pikou iyikouhk larzhawn kashkishtawniwawn didawn ooma wiyashwawchikaywin poor Ishkounikanak. Akousheeshi ooma mischayt mamouwiyawuk wiyashwawchikaywina atoushkaymakan didawn Kenadaw.

Keeshpin kaw-pakitinikawtaynaniwan miyayhtem, ooki atawmimaywak sa wakaw meena chi-kakwaychimayw li zheuzh chi-miyayhtem sa li koor tipahikipayihtawina natoutamawin:

- \$8.5 milyoon, avek li tax, chi-tipahaminaniwawn ouschi Kenadaw pahkawn ouschi Kenadaw pakitinikawtaynaniwan l'arzhawn; pi
- \$8.5 milyoon, kaw-takwashtawhk, chi-tipahaminaniwawn ouschi Saskatchewan aykwawnima ouschi Saskatchewan pakitinikawtaynaniwan l'arzhawn.

Pikou iyikouhk li koor tipahikipayihtawina poor atawmimaywak sa wakaw aykwawnima ouschi Kenadaw namou outinikawtayw ouschi Kishkayistamoowin li Payimawn keema Nakatamakaywin aen Tawd d'arzhawn. Namou chi-ihakwan ashaynamouwina ouschi Kishkayistamoowin li Payimawn keema Nakatamakaywin aen Tawd d'arzhawn. Ookii li wakaw marwshihkaywak li koor tipahikipayihtawina pahkawn, apray Pakitinikawtaynaniwan Awn nagrimawn awnshay kaw-pounistahk, pi Kenadaw chi-tipahikayw pikou iyikouhk li koor tipahikipayihtawina kaw-pakitinikawtaynaniwan ouschi li zheuzh kayschiwawk ishi atawmimaywak sa wakaw.

Ooma pakitinikawtaynaniwan avek Saskatchewan si aykwanwima jeufarawn: sa "kaw-takwashtawhk", itwaymiwaywin aykwawnima pikou iyikouhk li koor tipahikipayihtawina

pakitinikawtaynaniwan ouschi li zheuzh aykwawnima ouschiyawin Saskatchewan aykwawnima outinikawtayw ouschi \$40.2 milyoon pakitinikawtaynaniwan d'arzhawn. Namou chi-ihakwan ashaynamouwina ouschi paykounouhk kichimahwaywin natoutamouwawn en payimawn keema Kishkayistamowin li Payimawn mooshkinastowina (itwaymiwaywin, keeshpin kishpinawmawkoushiwin awn payimawn di \$50,000, kaw-outistikoun \$50,000), mawka l'arzhawn poor li koor tipahikipayihawina chi-outinikawshouw ouschi pakitinikawtaynaniwan d'arzhawn avawn paykounouhk kishpinawmawkoushiwin tipahaminaniwawn.

Atawmimaywak sa wakaw chi-kakwaychimag meena li zheuzh chi-miyayhtem kishpinawmawkoushiwin awn payimawn iyikouhk ouschi \$10,000, chi-tipahikawtayk ishi itahtow atawmimaywak pi awtist li mambr ouschi Île-à-la-Crosse Kishkinouhtahway En bawnd, poor nishtawinamowin sa shouhkatoushmagwin didawn ooma nakatouhmagwin. L'arzhawn poor kishpinawmawkoushiwin awn payimawn meena kee-marwshihmagwawn avek Kenadaw pahkawn pi chitipahikawtayw pahkawn ouschi pakitinikawtaynaniwan l'arzhawn, keeshpin li zheuzh keemiyayhtem.

8. KAYKWY AKWA KEESTWAWM ISHPAYIN?

Ishpee **Li mwaw'd Mawr 30 pi 31, 2026**, chi-ihakwan kakwaychihmagmowin itay la Kor'd Oushouhkatishiwin Li rway'd Omiyikoushiwin itay Saskatoon, akouta li zheuzh chi-itayistam keeshpin keemiyayhtem payyek keema tou lee deu ouschi kaw-itayhtakwahk pakitinikawtaynaniwan. Ooma en test poor miyayhtemowin pakitinikawtaynaniwan keeshpin aykwawnima it is fayr, rizanaeb, pi ishi miyo-ouhtishouwin ouschi mamouwiyawuk. Awa li zheuzh chikee keemiyayhtem payyek pakitinikawtaynaniwan, tou lee deu kaw-pakitinikawtaynaniwan, keema namakaykwy pakitinikawtaynaniwan. Awa li zheuzh namou chikee maenshkootashtaw kaw-itayhtakwahk pakitinikawtaynaniwan; chikee itaysitam pikou keeshpin keemiyayhtem keema namouwiya.

Keeshpin awa li zheuzh keemiyayhtem pakitinikawtaynaniwan avek payyek pikou Li Gouvarnimaw, chi-pounistem wiyashwawchikaywin pakwatem aykwawnima Li Gouvarnimaw. Keeshpin awa li zheuzh keemiyayhtem tou lee deu kaw-pakitinikawtaynaniwan, chi-pounistakwan kahkiyaw wiyashwawchikaywin.

Awa li zheuzh meena chikee itayistam keeshpin keemiyayhtem li koor tipahikipayihawina kaw-natoutamouwawn ouschi atawmimaywak sa wakaw pi kishpinawmawkoushiwin awn payimawn kaw-natoutamahk ouschi atawmimaywak sa wakaw (pi keeshpin mawhti aykwawnihi fayr pi rizanaeb). Awa li zheuzh chikee maenshkootashtaw tawmuykouhk tipahikipayihawina, aykwawnima ouschi chikee miyayhtem natoutamawin, achiwinam natoutamawin, keema namou miyayhtem natoutamawin souskwawt. Poor kishpinawmawkoushiwin awn payimawn, chikee keemiyayhtem natoutamawina, awchiwinam natoutamawina, chi-itayistam aykwawnima awtist li moond chi-outistikow kishpinawmawkoushiwin awn payimawn, keema namou miyayhtem natoutamawina souskwawt.

9. KAYKWY ANIHI ME DRWAY PI NAWASHOONIKAYWINA?

1. Nama kaykway itouta

Keeshpin kiya kitipayimoun avek kaw-itayhtakwahk pakitinikawtaynaniwan, li koor tipahikipayihawina kaw-natoutamahk ouschi atawmimaywak sa wakaw, pi kishpinawmawkoushiwina awn payimawn natoutamawina, nama kaykway chi-itoutamaen maykwawt. Keeshpin awa li zheuzh keemiyayhtem payyek keema tou lee deu kaw-pakitinikawtaynaniwan, kaw-outistikoun ayiwawk weehstamakaywin ouschi kaykwy keeswawm kaw-ishpayik pi tawnsheeshi chi-natoutamaen poor en payimawn.

Keeshpin kiya namou kinitawayistaen en pawr di wiyashwawchikaywin souskwawt (kootak li parol, kinitawayistaen “ashaynikaywin” pi namou akimishouwin, akousheeshi kitayawn li drway chi-mawchistawyin aykwawnima paykounouhk wiyashwawchikaywin), chi-ihakwan li tawn aykwawnima chitoutamaen apray nagrimawn paminikaywin. Namou katawt kaykwy chitoutamaen maykwawt keeshpin kiya kaw-nouhtay ashaynikaywin.

2. Muwnayshkamouwin ishi payyek keema tou lee deu kaw-pakitinikawtaynaniwan keema li koor tipahikipayihawina natoutamawin

Keeshpin kiya namou kitipayimoun avek iyikouhk kaw-itayhtakwahk pakitinikawtaynaniwan avek Kenadaw keema avek Saskatchewan, iyikouhk ouschi li koor tipahikipayihawina kaw-natoutamahk ouschi atawmimaywak sa wakaw, keema kishpinawmawkoushiwina natoutamawina, pi namou kinitawayistaen li zheuzh chi-tipayimow sa nagrimawn, kaw-kee-ichahaen muwnayshkamouwin chi-kishkayistamouhaw aykwawnima ay-muwnayshkamaen. Awa li zheuzh chi-amistaw kahkiyaw muwnayshkamouwina pi chi-itayistam en pawr sa itayimouwin.

Chi-ichahamaen muwnayshkamouwin, kaw-kee-shakashkinstawn Muwnayshkamouwin Mashinahikan pi ichaha ishi Kaw-natoutamouwawn Paminikayw avawn Li mwaw’d Mawr 29, 2026. Ooma Muwnayshkamouwin Mashinahikan pi zaenstriksyoon ihtakwan daw li computer oota keema kaw-kee-ichahean la email info@ILEXSettlement.ca keema taypwayhkun 1-833-700-7458 chi-outistikouyin tawpimashnahikaywin.

3. Wawpasta keema takoow kakwaychihkaymoowin

Keeshpin kiya kinoutay wawpastaen ooma pakitinikawtaynaniwan nagrimawn kakwaychihkaymoowin, kaw-kee-wawpastaen en parson itay li koor maezoun oota 520 Spadina Cres E, Saskatoon, ishpee **Li mwaw’d Mawr 30-31, 2026, mawchistawn 10 a.m.** Ihtakwan meena shakamouhtawin chi-wawpastamaen daw li computer.

Ishkounikanak keema La famee Mamouwiyawuk li mambr kaw-nouhtay peekishkwaychik kayschiwawk ishi li zheuzh ouschi oohin kaw-pakitinikawtaynaniwan keema atawmimaywak sa wakaw li koor tipahikipayihawina natoutamawina, keema kishpinawmawkoushiwina natoutamawina, chikee itouhtaywak daw li koor keema en parson daw li computer. Kaw-kee-peekishkwawtaen tawnshi ay-itayistamaen ouschi kaw-itayhtakwahk pakitinikawtaynaniwan pi li koor tipahikipayihawina natoutamawin, pi/keema kishpinawmawkoushiwina natoutamawina.

Chi-kawschitinamaen shakamouhtawin chi-wawpastamaen keema chi-peekishwayin daw li computer, wapaynikay <http://ilexsettlement.ca/> keema ichaha la email info@ILEXSettlement.ca keema taypwayhkun 1-833-700-7458 apray Li mwaw’d Mawr 24, 2026.

10. TAWSHEESI AYIWAWK WEEHSTAMAKAYWIN NIKI OUTISTIKOUN?

Poor ayiwawk weehstamakaywin ouschi kaw-itayhtakwahk pakitnikawtaynaniwan, keewkay <http://ilexsettlement.ca/> keema ichaha la email info@ILEXSettlement.ca keema taypwayhkun 1-833-700-7458.

Keeshpin kinouhtay peekishkwawtaw li wakaw, atawmimaywak li wakaw chikee meena maenkiw ayiwawk weehstamakaywin. Namou kitipahikawn poor peekishkwaywin avek wiyawow ouschi mamouwiyawuk wiyashwawchikaywin keema kaw-itayhtakwahk pakitnikawtaynaniwan.

Sotos LLP

55 University Avenue, Suite 600
Toronto, ON M5J 2H7
Email: namaya@sotos.ca
Phone: 1-888-684-5545 (toll-free)

Goldblatt Partners LLP

20 Dundas Street West, Suite 1039
Toronto, ON M5G 2C2
Email: esmith@goldblattpartners.com
Phone: 1-855-214-7557 (toll-free)

Merchant Law Group LLP

2401 Saskatchewan Drive, Suite 100
Regina, SK S4P 4H8
Email: ilex@merchantlaw.com
Phone: 306-271-2896